

欽定剿平三省邪匪方略

正編

四

五



欽定剿平三省邪匪方略正編卷九十一
光緒元年

二月二十三日

辛亥

上命軍機大臣傳諭勒保曰據陝甘學政宋澍條奏
軍營事宜一稱帶兵大員捨賊不追先奏勝仗致
賊遠竄其弊起於粉飾諱敗爲勝易罰爲賞將備
等因而觀望挾制不能令行禁止一稱帶兵大員
已離川省總統耳目有所不及陝楚督撫礙於情

面一任坐失機宜並不報明總統一稱大兵追賊
州縣預備糧餉早則恐賊擒掠遲則尾隨不及帶
兵者以貽悞藉詞需索地方官畏其叅奏百計逢
迎一稱賊匪蹂躪之區多係往來熟徑南山一帶
豈無險要可扼而川省官兵日事尾追奔馳疲乏
陝楚之兵分投堵禦亦形單弱以上軍營積弊自
皆係實在情形著勒保留心整飭以肅戎行

二十六日

甲寅

勒保奏言徐添德冷添祿等股賊

匪自經官兵於童家場觀音橋沙平關等處截

剿之後該匪等情急狂奔均從墊江鄰水交界

分起竄逸當經額勒登保帶兵一路由鄰水直

趨長壽邊界繞出賊前德楞泰帶兵一路由墊

江跟蹤追擊不予以暇詎賊匪行蹤狡詐因兩

面均有官兵卽乘間竄入涪州境內該處有鶴

遊坪地方爲難民紮寨處所人戶極多賊匪先

遣黨與數十人到彼詭稱墊江百姓被賊追逼

懇求收留寨民不辨真偽容留進寨不意大夥

賊匪隨後踵至進寨之賊卽在內放火應合正

在惶急之際適額勒登保帶兵趕到立時擊散

德楞泰亦督兵繼至闔寨得以保全匪衆復從

墊江長壽交界折竄額勒登保德楞泰等仍分

兵兩翼星夜窮追初九日進至雲臺舖哨探賊
匪均於遠近山溝樹林內埋伏戰手預備迎敵
額勒登保德楞泰督率巴圖魯侍衛鎮將等左

右環攻賊匪俱執鎗矛蜂擁四出勢甚兇悍我
兵鎗箭並發自辰至未斃賊七百餘名生擒周
士謨等一百六十三名訊據供稱徐添德冷添
祿等合夥之後因官兵追剿緊急先將婦女老

弱屯紮海棠舖雞公嶺等處自帶戰手在雲臺舖拒敵又被官兵打敗恐亦從雞公嶺翻山逃

命等語當將該犯等正法官兵連夜追至陳家

山又斃賊二百餘名沿途散出被擄難民不計

其數當交地方官訊明釋放妥爲安插

臣一面

知會額勒登保等就近偵探賊蹤相機追擊一

面令惠齡帶領百祥穆克登佈馳赴元壩驛柏

林塘一帶以防賊匪由大竹折竄達州十一日
早間官兵甫到元壩驛卽有騎馬賊匪數十人
突至該處詭稱官兵採買糧食欲圖焚掠後面
步行賊匪亦陸續麇至經惠齡督同百祥穆克
登佈帶領馬隊直前衝擊殲斃二百餘名該匪
踉蹌退遁生擒張伏才等四十三名訊據供稱
徐添德冷添祿王登廷等白雲臺舖被官兵剿

殺晝夜奔逃未定去向因探得大竹到達州一

面並無官兵所以分出戰手千餘名由元壩驛

取路不意又被截回等語當經解赴臣營詳細

審訊核與額勒登保等各路所報相同隨將該

匪等正法臣惟有督率額勒登保惠齡德楞泰

等分兵迅剿以期趕緊掃除至奉節一路龔建

卜三聘等與張添倫辛聰各股匪衆彼此合夥

節次攻撲近城之蓮花池卡隘經七十五觀成
晝夜督兵堵截頗有斬獲臣前派德英額帶去

兵勇已於初十日趕到卜三聘等因見兵勇防

範嚴密卽退屯康家槽七星壩一帶而張添倫

等仍折赴雲陽未能東竄楚境臣現在飛飭七

十五等督率兵勇實力堵禦其富成所剿之張

映祥包正洪等股賊匪自由蒼溪竄至廣元經

富成繞道截擊該匪等卽於大石板一帶屯紮
並分股由石竹堡一碗水梨家壩竄出意圖擾
至神宣驛地方爲入陝之計富成屢次擊剿實

緣賊衆兵單不能得手因查陝省張漢潮股匪

現係明亮興肇帶兵專剿其樊人傑等股匪衆

亦有宜綿等在西鄉邊界督剿而恒瑞帶兵正

在漢中防守距廣元不遠是以臣卽飛飭恒瑞

帶領原兵由寧羌迅赴廣元與富成會同剿捕
庶可趕緊撲滅再此次官兵在墊江一路追剿

副將富森因在後行走突遇賊匪抄出該副將
帶兵奮力迎擊猝中鎗傷陣亡都司折飛熊亦
同時被戕並遺失軍標中軍副將印信一顆又
雲臺舖一路打仗吉林委官明泰因首先撲入
賊隊受傷陣亡黑龍江協領邁昌阿都司羅聲

皇均經受傷又奉節一路打仗陣亡都司劉忠
魁廣元一路打仗陣亡千總馬應舉其餘傷亡
兵勇另行查明咨部

勒保又奏言

臣

欽奉

上諭授爲經畧大臣賜以印信跪誦

恩綸萬分感悚當卽通知各路帶兵大員及湖北陝
豫各督撫一體遵照總之此次軍務緣地方遼

濶賊匪奔竄無常凡封疆大吏重在防守者未
免以賊匪出境視同鄰壑而歷次總統與各路
分兵剿賊往來馳逐亦僅抵偏師一切情形久

邀

聖明燭照茲臣仰仗

天威責令事權歸一自應籌畫機宜妥爲布置現在
通查陝西湖北兩省實存兵數分駐何處另行

設法調度並知會明亮務將張漢潮一股趕緊

肅清其川省大局臣惟有督率額勒登保惠齡

德楞泰等合剿徐添德冷添祿等大夥賊匪爲

正路以七十五觀成德英額所辦之夔州一路

及富成所辦之保寧一路爲偏師賊勢旣重在

四川臣正應於川省暫駐現在梁山太竹一帶

地尙適中可以就近督辦至各路帶兵大員如

有因循貽悞者自當據實叅劾不敢稍涉瞻徇

又欽奉

上諭同知劉清官聲尙好著臣奏明陞擢查劉清係

南充縣知縣臣到川後因其居官清正深得民

心節次帶領鄉勇打仗殺賊甚爲勇往出力適

因廣元爲川陝門戶地方緊要是以檄委該員

前往署理以資捍衛並奏蒙

聖恩賞戴花翎以同知直隸州陞用因無相當缺出
尚未請補茲查直隸忠州知州吉與人本平庸

前因用兵之際人地不甚相宜恐悞要務是以
將忠州本缺委員署理撤令該員另聽差委無
如該員心地糊塗訪其平日居官亦於民情未
洽現據藩臬兩司詳請勒休查忠州及所屬均
係被賊之區應請

旨將吉興勒令休致所遺員缺卽以劉清補授仍懇

賞給知府職銜如果始終奮勉再請陞用以從民望

再查成都副都統兼轄駐防官兵有訓練操防

之責臣於軍營出力人員內詳加查察除現在

署任之頭等侍衛明興外尙有副都統銜溫春

阿穆勒塔二員均係東三省人雖打仗俱各出

力而於外省駐防員缺人地未宜其餘侍衛協

欽定四庫全書
欽定大清會典事例
卷之九
九

領各員或亦係東三省人或係甫經陞用資格
尙淺未便遽行開列所有四川成都副都統一
缺仍應請

旨簡放均奏入

上命軍機大臣傳諭勒保曰朕細閱勒保所奏此次
打仗情形徐添德冷添祿等股賊匪竄入涪州境
內詐稱良民投入難民寨內幸額勒登保德楞泰

先後帶兵趕到闔寨得以保全此實係額勒登保
等二人之功其奔竄賊匪經各路帶兵截剿並將

被擄難民釋放安插所辦亦好至另摺所稱勒保

督率額勒登保等爲正路以七十五等一路及富

成一路爲偏師勒保在川省梁山太竹一帶適中

之地駐劄督辦布置亦爲合宜看來不似從前之

一味粉飾向來軍營惡習每遇打仗時派令鄉勇

在前綠營兵丁次之滿洲吉林索倫兵丁又次之
而賊匪亦推難民抗我顏行真正邪匪逆賊在後
觀望先奔是日令鄉勇與難民交鋒無怪乎有兵
賊不相逢之諺語也在伊等之意以鄉勇非兵丁
可比卽傷亡較多可以無庸報明註冊並可掩敗
爲功但以此等不諳行陣甫經充募之人專令衝
鋒陷陣以致多被戕害而賊營內被殺者亦多係

難民是無異自相屠戮甚可憐憫嗣後剿辦賊匪
總宜以勁旅當先率領鄉勇隨同奮擊庶可以我
趨健之兵殲擒真正賊匪卽偶有挫衄亦兵家常
事其傷亡兵丁原不妨據實開報給予恩卹勿稍
存掩飾也此時勒保身膺重任事權歸一正當益
加黽勉尅期奏績從來受恩易報恩難所謂委任
而責成功正在今日朕能施以重恩卽能施以重

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

罰欲爲蓋臣欲爲罪臣皆在勒保宜如何盡心竭力感愧圖報朕惟靜待喜音亦無可多諭也所有此次打仗陣亡之副將富森都司折飛熊劉忠魁吉林委官明泰千總馬應舉俱著咨部議卹

上諭內閣曰成都副都統著明興補授前已有旨令明興接辦川省糧餉務須加意撙節設法趲運以期無悞要需又忠州知州吉興辦事不能振作且

於民情未洽著卽休致如有別項劣蹟仍著勒保
據實叅奏以儆官邪同知劉清居官素稱清正深
得民心所有忠州知州員缺卽著劉清補授仍賞
給知府銜以示獎勵

二十七日 乙卯 明亮興肇奏言 臣等在進口關剿

殺張漢潮賊衆並生擒賊目李淮後該匪遁入
雪山老林躡探去路必由兩河口竄出 臣等星

夜馳抵該處張漢潮已於初七日連夜翻山衝

過營卡從郿縣齊家寨唐家場一帶傍山捷走

一經官兵趕上卽翻山遁越臣等倍道追奔躡

蹤愈緊該逆情急逃生翻越秦嶺臣等於十二

日趕抵秦嶺山高路險冰凌潭滑賊人在密林

中施放鎗礮官兵棄馬步行仰攻賊匪抵敵不

住隨卽逃奔臣等督兵搶上山梁搜獲賊匪八

十四名內有賊目李仲芳已帶箭傷訊據供稱

張漢潮同賊衆先已逃去我等係在後攔擋官

兵聽得頭人議論若從漢陰石泉大路行走恐

又遇弓箭手殺得利害張漢潮與冉學勝說仍

到鎮安山陽往河南去好覓糧食又可找尋同

教合夥當將該犯等一併正法一面飛咨倭什

布嚴加堵禦臣等兼程前進行至大河壩沿途

樹林石洞內搜出帶傷落後餘匪甚多十四日

夜乘月行走前隊兵勇擒獲探馬徐占魁等六

人訊知張漢潮現屯涼沁河臣等飛卽馳赴該

處賊匪聞風早已拔營沿途追殺六十餘里殲

賊三四十人未刻趕上賊匪大隊該匪已排立

山頭見官兵上山卽滾石放礮捨命抵禦臣等

所帶馬步官兵共有一千餘人維時趕到者五

百餘人臣明亮督率愛星阿協領秦巴圖總管

都當阿遊擊應元寬等帶領馬隊從中馳射衝

殺臣興肇同鎮臣長春叅將楊奎猷遊擊游棟

雲帶領步兵施放鎗礮傷斃賊匪二百餘人該

匪爬山亂竄時已酉刻祇可暫紮生擒矛手姚

錫爵等三十五名男婦一百七名口訊據姚錫

爵供稱張漢潮在涼沁河掠食適有探信回來

說馬隊官兵趕來張漢潮慌忙就走如今領旗
打仗就剩冉學勝劉永盛高玉春三個頭人矛
手還有五六百人張漢潮領男婦老幼一千多
人在中間行走聽說要繞道往河南去躲避追
兵等語當將該犯分別辦理查此股賊匪人數
不多無如慣於鋌走總不屯紮臣等自去歲九
月至今日夜追剿往來五省所帶官兵三千名

除落後留養外僅一千餘名堵剿不能兼顧且

賊匪奔竄便捷時時移步換形各處雖有鎮將

帶兵防堵均係有名無實是以擔延時日

臣

等

咎實難辭現在此路兵力甚單已咨商勒保或

於陝省或於川省籌撥官兵二千名協濟尙恐

鞭長不及就近札催恒瑞於防江兵萬餘名內

速撥二千名以備調遣俟將張漢潮一股賊匪

掃除淨盡仍將原兵歸留陝省

臣

明亮即可遵

旨馳赴勒保處相機籌辦奏入

上命軍機大臣傳諭明亮曰明亮等所奏追擊張漢潮股匪打仗情形尋蹤躡逐竭力進攻尙屬認真辦賊惟摺內有鎮將帶兵防堵均係有名無實二語未能明晰究係何人在何處防堵不力並未指名嚴劾明亮等統領一路官兵當明賞罰以爲懲

勸若有奮勉立功之人不妨破格保奏候朕施恩

其選悞無能者自當據實嚴叅按軍律治罪今明

亮等於不出力之鎮將含糊其辭煩朕詢問軍報

往返徒延時日何以使玩悞之員知所儆懼耶且

賊匪流竄無常兵至則遁卽或路多地廣不能合

圍必須有夾擊之師制其逃逸之路若前無堵截

惟事尾追任賊往來數省地方何時始能剿竣明

亮等隨賊奔馳又已數月豈不徒勞無益耶著明
亮等卽查明防堵不嚴鎮將指明據實嚴叅不可
迴護並飭陝豫境內守禦將弁於賊匪必經之處

實力截剿以期迅速歲事至教匪俱係內地人民
食毛踐土沾被國家德澤百有餘年竟敢聚衆叛
逆陷城戕官實爲罪大惡極渠魁逆黨皆當悉數
殲擒以申國憲前次降旨安撫係專指迫脅難民

而言至於助逆寇徒原不在赦宥之例明亮等督
兵剿賊惟應奮勇進攻不得徒事招降致使寇頑
漏網且爭衡敵國者能戰則能和所謂示以必克
其和乃固也若征討內地亂民能剿始能議撫帶
兵大員總當以痛剿爲先務寧可徒恃招撫乎

同日

上又命軍機大臣傳諭勒保曰有人條奏軍營安撫

事宜其所稱不便者數端一謂首惡渠魁必須擒
獲其餘逆黨抗拒焚燒若併許投降與迫脅者同
邀寬典轉致愚頑藐法桀黠生心一謂剿辦餘匪
若徒以官招利誘在賊或疑爲兵力不加在兵且
恃爲受降省事況賊不盡降則兵不能撤兵若不
撤則賊又生疑撤之太早則翻覆堪虞撤之過遲
又糜費可慮一謂賊徒至少不下數萬卽小半來

歸必須搭蓋寮棚以資棲止發給賑糧以濟口食

願歸本地須給盤纏願占流籍須分產業地方既

不能猝辦應付必累饑寒又復草竊爲奸轉增內

賊一謂從賊之人素信邪教雖經安撫易爲煽惑

官吏稍有侵欺徒衆立能變亂不過一二年內仍

恐更滋事端請一面招集一面攻擒使之困極求

生真心悔懼然後開示公信予以自新庶可以殺

止殺刑期無刑等語以上數條所言實切事理著
傳諭勒保留心體察酌量採取

二十九日丁巳恒瑞奏言臣前因川匪竄至廣元

逼近寧羌邊界卽由法慈院帶兵前往堵剿途

次接據寧羌州馮裕定稟報賊匪張應祥等約

有三四千人竄近州境都司王興朝帶兵勇二

百名趕赴川界七盤關據險堵截因賊衆兵單

身受矛傷二處兵勇間有傷亡不能抵禦賊匪

於初五日竄至黃壩驛等語當今總兵觀祥帶

兵一千五百名紮駐鋼廠要隘臣帶兵二千五

百名馳赴大安賊知北路有備卽由鄭家壩西

竄廣元之安樂河廣平河等處查該處北通畧

陽西北與甘省階州文縣附近臣飛札署藩司

廣厚總兵吉蘭泰確探防堵並移兵柳樹壩扼

住要路四川將軍富成亦帶兵追至寧羌恐賊
匪復折向北竄卽取道畧陽由白馬關一帶抄
截現在富成帶領兵勇七千名在寧羌西北賊

匪斷難北竄

臣

於柳樹壩營次接據署廣元令

劉清稟報另有一股賊匪已由螺螄壩竄至真

武宮查該處係在寧羌東南

臣

仍於大安一帶

堵截如此股賊匪從何處竄近

臣

卽從何處追

剿斷不令其闌入惟查總兵關騰副將官信之

兵俱在江北兜剿收漢湖一股王文雄慶溥柯

藩在紫陽安康邊界剿辦賊匪與臣相去七八

百里中間再無兵符可以聯絡接應臣惟有嚴

飭漢興道文需督率各屬於沿途要隘厚集鄉

勇晝夜小心防禦臣卽帶兵相機堵剿再永保

齎送經畧印信因北棧正值賊匪在鳳縣留壩

一帶出沒驛路不清永保未帶弁兵沿途酌量

情形繞路前進已出北棧而入南棧兼程赴川

但近據川省廣元縣稟報前途昭化蒼溪一帶

尚有賊匪出沒恐永保不得信息所齎經畧印

信有關緊要臣已飛札務須隨路探聽斟酌路

徑方可行走奏入

上命軍機大臣傳諭勒保恒瑞曰此股竄近寧羌州

賊匪皆從川北而來係惠齡擒獲冉文儔後委之
而去者以都司王興朝一人僅帶兵勇二百名如
何能堵截三四千逆賊總由宜綿秦承恩等調度
失宜實爲可恨現在張映祥一股西竄廣元恒瑞
飛札廣厚等扼住甘省要路而富成帶領兵勇七
千由白馬關一帶抄截兵力不爲不多自不虞賊
匪復向北竄其竄至真武宮一股賊匪係在寧羌

東南恒瑞旣相機迎截務當實力剿辦斷不可令
其闖入陝境並當趁此春融殲除此股倘稍有遲
延則汝等又以暑雨爲藉口矣至摺內稱關騰等
之兵俱在江北王文雄等之兵俱在紫陽安康邊
界與恒瑞相去七八百里中間再無兵將可以接
應等語深爲可駭用兵之道全在聲勢聯絡而追
捕竄賊尤須扼險嚴防制其奔逸之路若稍留空

潮往來自如迄未擒獲卽據實指名叅奏毋得稍有隱飾再勒保身爲經畧各路皆其統轄嗣後恒瑞當將此種情形咨明勒保而勒保亦當通盤籌畫按照情形緊要地方遠近派撥將領逐處聯絡不得因陝省相距稍遠僅委之該省督撫及帶兵大員也

同日福寧奏言查川省各股賊匪節經官兵分

投剿辦勢較窮蹙惟恃其走險伎倆轉折狂奔
一遇官兵追及卽散伏於深林密箐之內冀圖
乘間抄掠甚或假扮客商難民溷跡村寨真偽
難分其詭詐極爲可恨現經勒保督同額勒登
保惠齡德楞泰等各帶官兵於大竹鄰水墊江
涪州等處或尾隨追擊或迎頭截殺連次殲斃
甚多該匪衆敗竄益甚昨十七日分股擾至達

州之土地堙雷音舖一帶焚燒十八日復竄近

達河南岸距州城不過數里查達河水勢甚小

處處可以涉淺而過

臣

因達州係糧餉重地防

兵無多隨酌派弁兵二百名分布河干並督飭

地方官調集團勇協力堵禦其南岸逃難民人

悉令渡至河北凡婦女幼孩俱准入城暫住妥

爲安置適德楞泰帶兵趕至痛加殲戮殺賊三

百餘名生擒一百餘名餘匪均向李家渡一帶

奔竄署達州知州黃銑教授高汝儀已在太平

寨督率鄉勇堵賊去路若能前後夾擊此股竄

匪不難尅期洗蕩其富成所剿川北之賊現由

蒼溪昭化廣元闌入神宣驛大路已近陝界諒

陝省防範嚴密不至蔓延爲害刻下各路運道

通塞靡常臣隨時察看凡屬可以通行之處一

切軍米仍照常滾運其有實在梗阻難行者卽
飛飭各州縣速將預貯糧石就近探明軍營覓
路運供務期兵食充裕不使稍有匱乏至各驛
站間有被賊擾及者俱令改道安設並雇健夫
將一切緊要文報繞山步送俾免遲悞再昨准
勒保咨調弓箭及油雨罩並烏鎗一二千桿九
龍袋一二千副臣當將達州現存各項儘數解

往此外不敷之數業經飛檄成都省局迅速兼
程趕解用濟要需奏入

上命軍機大臣傳諭勒保明亮福寧曰福寧奏川匪
分路奔竄籌計糧餉情形一摺軍需經費數逾七
千餘萬之多三年以來各路領兵大員恃有和珅
在朝內外通同一氣恣意濫用笙歌取樂而兵丁
鄉勇則枵腹從事前已節次將伊等從前惡習指

出嚴禁至再至三若再不痛改前非恃有軍餉寬
餘任情花費經人密封彈劾直達朕前必當執法
從事伊等自思現在更有何人敢爲之緩頰耶至
教匪聚衆叛逆陷城戕官實屬罪大惡極爲王法
所不容必須將渠魁黨惡盡數剷除方爲正辦或
臨陣殲戮或擒獲後卽在該處正法不必解京俾
匪徒等知所儆懼不得徒事招降致有縱逸總之

實係邪教不可不誅脅從難民始可議撫勒保身
爲經畧尤當力持大體迅速剷辦尅日蕝功也

同日景安奏言日前臣在鄖西截退張漢潮一

股賊匪後適據探報陝省西鄉李樹高均德樊
人傑等股匪分路東竄恐其闌入竹谿縣境當
卽兼程馳回竹谿連接探報賊已竄過紫陽安

康業入平利邊界逼近竹谿地面臣現在帶領

官兵在平利竹谿交界之關壩一帶扼要堵截

如賊勢東趨臣當帶兵迎擊與陝省官兵前後

夾攻以期一鼓集事惟現據探報川匪龔建下

三聘與張添倫辛聰等合夥由夔州東竄頭股

已至大寧大昌等處並准勒保知會添派將領

勁兵分布要隘免致竄入楚境臣查賊匪由大

昌東竄即係巴東界嶺北趨即入房縣查巴東

一路雖經設有防兵三十餘名鄉勇五千餘名

但賊匪聚有數股恐其分股亂竄臣隨復抽調

兵丁一千五百名派令總兵王凱暨將領二員

分起管帶兼程馳赴巴東協同堵剿並諄囑高

杞成德實力守禦勿使闖入其房縣一路亦經

添派將領一員帶兵五百名前往協防至張漢

潮一股賊匪現又折回陝西鎮安縣相去鄖西

邊境不遠

臣

已另派幹將二員添兵五百名馳

往協堵該處義勇素稱趨健且肯出力可保不致蔓延奏入

上命軍機大臣傳諭景安曰景安所奏多有不實卽

如張漢潮一股賊匪從前東竄時未至楚境卽由

五郎奔回景安前奏祇稱前赴鄖西賊知有備不

敢東竄並未聲明與賊接仗乃本日奏到之摺又

稱伊在鄭西截退張漢潮一股似此自相矛盾其

爲捏詞欺飾尤屬顯然今賊匪自平利逼近竹谿
地方景安已至交界之關垭駐劄雖據稱扼要堵
截與陝省官兵夾攻恐仍係避賊而行擇一無賊
處所藉爲藏身之固所言殊不足信此時川省賊
匪東趨已駸駸入楚景安先爲此奏不過預占地
步見其防堵認真下次摺到必以賊至楚境入告

此等掩飾惡習惟景安染之最深畏縮故態亦惟
景安改之不力景安清夜捫心天良自現朕因其
平日尙有操守姑免治罪該督益當感奮圖報以
堵爲剿稍贖前愆若再不知悛改致賊匪回竄楚
境滋擾蔓延則是自取罪戾斷不能曲法寬貸矣
再摺內稱房縣一路添派將領一員前往其鄖西
邊境另派幹將二員馳往協剿等語此二路所派

將領自應指名奏聞以便將來核其功罪酌施賞
罰今景安不列其名亦係預爲之地若賊匪從此
二路竄逸卽可含混狗庇希免究問此等惡習尙
不知改耶著卽將所派將領究係何人據實覆奏

同日

上諭內閣曰著於部庫內撥銀二百五十萬兩照例
解往四川軍營備用

三十日

戊午

上諭內閣曰昨經降旨於部庫內撥銀二百五十萬兩解川備用矣節次解赴川陝軍需朕從前卽聞有在途被賊劫掠之事伊等俱匿不奏聞卽昨日福寧奏籌計糧餉摺內亦有各驛站間被賊擾俱令改道安設雇覓健夫將緊要文報繞山步送之語恒瑞奏永保齎送經畧印信隨路探聽斟酌行

走至今尙未到勒保軍營可見川陝邊界一帶道途不無梗塞現在餉銀經過不可不加慎重給事中廣興著加副都御史銜於頭起餉銀起程時卽押帶前往並派巴圖魯副都統綸布春及侍衛等共二十員分起管解餉銀前赴川省並著廣興沿途察看情形如有畧需兵力護送之處卽於經過地方酌量調撥弁兵更替護餉前進卽或途次遇

有滋擾賊匪廣興及巴圖魯侍衛等惟當以保護
餉銀爲重不必意圖見長捨而剿賊或致不能兼
顧此爲最要至廣興於頭起餉銀解到達州後卽
留於福寧軍營暫駐旬日觀其作何運撥作何支
放是否各營大小將弁兵勇一律按例供支不致
有多少偏枯之處卽將該處辦理情形據實由驛
具奏其巴圖魯侍衛等於餉銀陸續解到後著福

寧等酌留三五員在達州軍需局保護糧餉其餘
俱著馳赴經畧處交與勒保卽查明從前帶兵侍
衛旗員內或因連歲奔馳稍形疲乏或因打仗受
傷留營調養者或不能出力怯懦無能者酌令回
京卽將此次到營之巴圖魯侍衛等令其更換帶
兵旣可期於得力亦所以示體恤

...

...

...

...

...

...

欽定剿平三省邪匪方略正編卷九十二 己未年

三月初三日 庚申

上命軍機大臣傳諭勒保曰勒保由貴州馳赴川省
剿辦教匪迄今已一載有餘爲期不爲不久前經
委以總統近復授爲經畧責任不爲不專而節次
奏報遞到不過敷衍打仗情形從未見伊定一謀
畫一策卽偶有籌酌亦不過就目前賊匪奔竄滋

擾蹤跡爲接應追躡之計所算總在賊後未嘗制
勝機先現在已屆春深轉瞬卽交夏令因思前三
年賊匪於酷暑炎歊時曾在深山藏匿伏而不出
自必有一定巢穴窩頓妻孥積屯糧食領兵大臣
未能覺察或知而不奏勒保若能趁此春融迅速
殲渠掃清餘孽實爲上策倘未能一律肅清亦當
趁此時察看向來賊匪慣於何處山谷潛藏或另

有預謀度夏巢穴即迅派明幹大員帶餉弁兵馳
往該處先行占據並於要隘處所設卡屯兵遇有
竄回之賊即可趁勢撲剿如聚有妻孥糧食並可
搜獲俾賊退無可歸野無所掠則炎風伏雨中斷
不能游奕屯集自必紛紛瓦解不攻自潰倘賊匪
來奪其巢而我兵已先據其窟是返客爲主以逸
待勞亦致人而不致於人之一法也

纂要卷九十二

初四日壬戌高杞奏言查湖北歸州居巴東下游

巴東西瀆口一帶緊接川境延袤一百六十餘

里歧徑百出實為川楚往來門戶從前賊匪屢

由此路闖入因於該處扼要地方依山溪分設

營卡十九座兵勇相間每卡二三百名以至四

五百名不等上督率操防不敢稍有疎懈自土

年十月內協同明亮等擊退張漢潮一股賊匪

之後本年二月初復探聞逆匪龔建卜三聘張
添倫辛聰等股俱在奉節巫山合夥滋擾距楚
省邊卡總在一二百里之間臣與將軍成德益

勵兵勇加倍嚴防隨經勒保飭派總兵德英額

抽帶兵勇馳赴巫山截剿賊匪潛向大昌以西

遁逸未經闌入楚境但賊匪鬼蜮伎倆倏往倏

來臣惟有不遺餘力遏其東竄之路以免地方

復遭蹂躪現接景安劄會派令宜昌鎮總兵王

凱帶兵一千名前來策應更足以壯聲威一俟

此項兵到臣擬合駐適中要地免致因分見單

萬一賊匪復來窺伺隨時相度機宜邀截合擊

奏入

上命軍機大臣傳諭景安高杞曰前景安奏到在竹

谿防堵情形摺內有白相矛盾之處而又藉詞預

占地步曾經降旨飭諭向來景安畏蕙退縮遠避

賊鋒於帶兵諸臣中爲尤甚而其不能痛改前非

漸染積習亦爲最深各股教匪雖在川東邊界一

帶奔竄其心總窺伺楚境冀守禦稍疎仍可遁回

湖北現在歸巴一帶經高杞設卡嚴防其各股竄

匪復經總兵德英額馳赴巫山截剿賊向西竄未

經闌入楚境而此時總兵王凱又復帶兵二千前

往策應聲勢更壯是巴東一帶防守較爲嚴密惟
此股西竄之賊究赴何處倘思與李樹高均德等
合夥則竹谿一帶尤關緊要景安惟當先事預防
倍加奮勉爲截擊之計毋令闖入楚省西境總之
景安高杞身膺督撫重寄防邊務須實力辦事務
須實心各當於本省邊界要隘地方加意隄防卽
可以堵爲剿果能迅勉成功不但可贖前愆尙當

加之懋賞也

初五日

亥

廣厚奏言查張漢潮一股賊匪經各

路兵勇截回陝省鳳縣後

臣

與吉蘭泰分駐徽

縣兩當擇要防堵並經鞏秦階道王錕督率委

員分赴被擾村莊招集難民妥爲安撫茲據文

縣稟報川匪張映祥率匪黨萬餘人由陝西寧

羌州斜趨龍安屬之秋木川至該縣余家河過

纂要卷九十二

界適臣所派署涼州府沈清查卡至彼即同該

縣劉德懋把總閆績率領守卡兵勇在余家河

隔岸排列鳥鎗吶喊施放賊匪遂仍折回寧羌

竄過陽平關地方屯聚查陽平關一帶與甘省

階州在在毗連山徑紛歧防汛甚單賊匪恃其

人眾奔突靡常將有闌入甘境之勢臣當由嶽

縣帶兵五百名即日起程並咨會吉蘭泰如此

時兩當情形不甚喫緊酌留將備防守卽帶兵

前來分路堵截臣途次接據階州白馬關州判

稟報陽平關賊匪分爲三股每股三四千人分

擾階州之兩河口梅子園鞏家灣等處成都將

軍富成帶兵自畧陽間道抄截入甘由白馬關

一帶進擊臣亦卽趕赴前途悉力截剿奏入

上命軍機大臣傳諭廣厚曰川匪張映祥率其夥黨

斜趨秋木川希圖闌入甘境適署知府沈清查卡
至彼卽同該縣等率領守卡兵勇在余家河隔岸
施放烏鎗賊匪畏懼折回不致竄入文縣地方所
辦尙好沈清劉德懋閔績若再有實心出力之處
卽著送部引見候朕加恩擢用至廣厚一經得信
卽日帶兵馳赴該處頗知勇往迥非景安秦承恩
之繞道避賊者可比現在屯聚陽平關賊匪分三

股擾近隋州富成吉蘭泰俱帶兵前來廣厚務當
會同剿辦果能悉力殲除必當加以懋賞勉之

初七日乙丑恒瑞奏言臣前奉

諭旨宜綿所帶將弁兵丁等卽交臣與王文雄管領

查王文雄正在紫陽邊界堵剿竄匪臣卽令總

兵慶溥柯藩所帶官兵就近歸於王文雄帶領

其總兵關騰官信遊擊邢承誥守備尙其倫所

帶兵勇均於上年冬間經宜綿等派赴江北截

剿張漢潮一股賊匪臣因遵

旨馳赴漢中適遇官信帶兵二百餘名來郡詢稱追

賊行走緊急兵丁沿途多有落後因前來漢中

收集等語臣聞之不勝駭異官信身為總兵大

員帶領官兵二千名追剿賊匪縱使行走緊急

官兵間有落後何至僅剩二百餘名其中恐有

別故不可不嚴行追究惟_臣連夜馳回營次截

剿西路賊匪不及當時查辦卽飛飭經過各州
縣將落後官兵星速查催趕赴漢中歸伍外應

請

旨先將兗州鎮總兵官信革職就近交護撫臣馬慧
裕究明因何致令官兵落後多名之處另行定
擬具奏適接明亮來劄因所帶官兵僅存一千

餘名令臣撥兵二千名以備調遣查張漢潮股

匪屢經明亮痛剿所剩無多正當厚集兵力速

行殲滅惟現在王文雄慶溥柯藩共帶兵六千

餘名在西鄉紫陽安康等處堵剿李樹樊人傑

龍紹周各股竄匪臣帶領由川帶回官兵四千

名現在寧羌畧陽一帶要隘分布截剿張映祥

等股竄匪俱在喫緊之時勢難分撥再三籌酌

惟有邢承誥等所帶兵勇二千餘名現在盩厔

一帶防堵今賊已東竄臣卽令星夜趕赴明亮

行營聽候調遣又查關騰帶兵一千八百名追

剿張漢潮分股賊匪不過四五百人東西奔竄

牽綴官兵臣劄令關騰卽不能立時撲滅自當

將餘匪逼歸一處隨同明亮合力剿洗以免牽

綴臣俟松筠永保有一人到陝亦卽酌帶官兵

馳赴江北與明亮合剿再查有涼州永昌協副將田有成現年六十八歲入本平庸又復年老不能帶兵打仗山東兗州鎮屬守備劉合因患腿疾日久未愈俱不便任其戀棧相應請

旨將田有成劉合革職以肅戎行奏入

上諭內閣曰官信係帶兵大員追剿賊匪縱使行走緊急官兵不免間有落後何至僅剩二百餘名顯

有避賊藉口情弊官信著革職交馬慧谷將因何
致官兵落後多名之處秉公嚴審定擬具奏至所
奏田有成不能帶兵是合實係年老劉合所患腿
疾是否因患病殘廢抑係因傷致病該二員從前
會否著有勞績仍著恒瑞查明若有勞績卽著原
品休致回籍如祇係一老一病卽照所請革職回

籍

初八日丙寅大學士王杰奏言竊惟川楚賊氛有

稽剿滅固由事權不一賞罰不明所致亦由地

方官不能勞來安撫以致脅從日衆我

皇上既命勒保為經畧明亮額勒登保為叅贊俾令

隨機調度權不中制知必漸次廓清臣謂此時

更當安良民以解從賊之心撫官兵以勵行間

之氣緣川楚秦豫四省二年内為賊匪殺傷者

不下數百萬人其幸存者皆鋒鏑之餘骨肉傷
殘流離困苦男不暇耕女不暇織若再額徵賦
稅甚者分外加派胥吏因緣勒索其何以堪節

乞

皇上特頒恩旨體其情而憫其慘俾小民抑鬱之懷
知蒙

日月之照其煩冤怨憤自可稍釋更祈將被賊地方

今歲錢糧酌量被害之輕重

特予分別蠲免並分派廉能道府查察撫綏毋令吏胥舞弊私徵則不特受害良民頓邀拊畜卽脅從之衆聞此浩蕩

隆恩亦必戀其親屬田園回心喻意將賊黨不難解散矣至於各處徵調之兵二年于役冒露雨雪載離寒暑孰無父母能不懷思間有肆行劫掠

傷害良民者亦由將帥怠玩縱弛非盡關士卒
之不馴也惟我

皇上念說以使民之道頒發

諭旨曲加憐恤將傷病疲憊者概行撤回或就隣省

更調或於附近召募申明軍紀鼓勵我行庶人

懷挾纊之懼衆有成城之志以上二條是否於

平賊事宜有所裨益伏乞

皇上訓示奏入得

旨交勒保察看情形酌量具奏

十二日

庚午

勒保奏言查徐添德冷添祿等股匪

自經官兵於鶴遊坪雲臺舖元壩驛等處痛剿

之後忽分兩股徐添德竄入達州冷添祿竄往

鄰水官兵亦卽分爲兩路額勒登保帶兵追剿

冷添祿一股令惠齡暫在老林場駐紮以防折

竄德楞泰帶兵追剿徐添德一敗臣卽赴新寧

達州一路就近策應查徐添德因屢次剿敗亡

命先逃派令賊目王登廷李士貴等各帶戰手

二三千名於各處箐林深溝內埋伏每以牽綴

官兵爲得計本月十八日德楞泰由亭子舖行

至觀音堂忽有賊匪千餘名從溝內衝出直撲

後隊德楞泰卽督兵迎截斃賊一百六十餘名

餘匪潰敗追至雷音舖山梁復敢憑高抗拒官
兵鼓勇競上又殺賊三百餘名生擒龔施文等
一百十三名訊係王登廷手下戰手當卽一二

正法維時署達州知州黃銑帶領鄉勇前來堵

截又殺賊三十餘名餘匪奔逃仍歸徐添德大

夥竄逸臣因獲犯訊供有欲竄陝省之語當卽

密派守備桂涵王榮等帶領兵勇由小路繞出

賊前於東鄉太平通天觀等處通陝要隘相機
攔截德楞泰連日催兵追躡於二十四日至石

塘壩正遇李士貴一股伏於右手山溝又來抄

我後路維時德楞泰大隊正在山梁卽催兵往

後壓下斃賊二百餘名並將李士貴射死我兵

由溝內追逐三十餘里至舊縣壩適徐添德大

夥迎來因該匪等行至通天觀望見兩面山梁

俱有旗幟疑有伏兵不敢北竄旋即折回不料
正值官兵迎截又斃賊三百餘名生擒賊目趙
興宗並男婦四百八十一名口內一百三十四
名訊係實在教匪一併正法餘俱被脅難民當
卽省釋餘匪由井溪壩竄去二十七日於開縣
所屬之大梁地方又復趕上賊匪殺斃九十餘
名生擒趙友貴等十八名而旬日以來投出逃

散之人每日四五十名至百餘名不等均一體

酌給銀米遣令回籍安插賊匪現由路陽壩一

路奔竄

臣

已飛飭德楞泰必須乘此勝勢迅速

殲除至冷添祿一股係由雞公嶺竄出維時額

勒登保舊症復發猶復帶病追躡十七日趕到

大竹之黃泥壩正值該匪等在彼造飯出其不

意殺斃一百餘名餘衆翻山奔逸而額勒登保

病勢增劇斷難前進暫留大竹醫治當派劉君
輔並原任總兵富森布帶兵由鄰水追至定遠
之義和場探知賊匪正在圍攻泰平寨即催兵
進剿該寨團勇亦率眾夾擊富森布因衝入賊

隊中鎗陣亡兵勇八人憤恨奮力追殺共殲賊

四百五六十名該匪等復由岳池南充交界地

方竄去臣因刻下正當剿捕得手之時而額勒

登保因病不能帶兵一面撥醫診視一面卽知
會惠齡就近馳往大竹帶兵由營蓬一路迎擊
嗣接惠齡報稱二十六日行至永興場忽有騎
馬賊匪數人由貴富驛竄出經我兵殺斃三人
拏獲一人訊係包正洪一股賊匪由蒼溪儀隴
折回隨派令總兵楊遇春百祥副將穆克登布
分作三路兜圍該匪等正在蚊蟲溪過河官兵

追殺死及淹斃者共一百餘人我兵追至南山坪見賊匪正在結隊行走三路官兵同時並到痛加剿殺翻越七重山梁斃賊二百七十八

名生擒譚尚義等一百三十五名搶獲器械五百八十餘件均經解赴

臣

營驗訊除將被脅之

藍宗勝等六十三名訊明回籍安插外餘俱正法二十九日接額勒登保來信知病已稍愈可

以勉強乘騎業於二十六日自大竹起身二十
八日趕到前敵與惠齡帶兵前進再富成所剿

張映祥一股闌入陝境先經飭令恒瑞前來會

剿嗣據探報該匪等由廣元竄至寧羌之黃壩

驛阻塞棧道經恒瑞帶兵夾擊由界牌小路向

陽平關折竄至昭化之白水地方欲思渡江闌

入龍安經該處團勇擊退竄近文縣境內臣已

飛飭富成加緊兜擊毋任延入甘境至恒瑞現
署陝甘總督刻下尚有張漢潮樊人傑等在陝
奔竄正須與明亮就近督辦未便專責會剿張
映祥一股況川北地方竄匪雖包正洪已由儀

隴折回而蕭占國鮮大川等尙在閬中南江一

帶游奕未便無兵剿辦臣已派令朱射斗將原

帶兵勇四千餘名馳回保寧一帶相機進剿並

可就近爲富成策應其夔州一路因龔建卜三

聘等分竄巫山之洋溪河一帶臣當派觀成酌

量留兵防守郡城並令七十五德英額帶領兵

勇同赴巫山繞至界嶺一帶迎剿賊匪見有官

兵仍復折回奉節大寧等處並未闖入楚境臣

先因高杞在巴東一路兵力稍單知會景安酌

量添兵實力堵剿現接來信知已派令總兵王

凱等帶兵二千名前往巴東房縣分佈嚴防可

期得濟

臣

因川東川北與陝楚交界地方均有

賊匪而徐添德冷添祿兩股爲各路賊匪中之

尤要者旣須先行剿辦自應遵

旨於適中之地駐紮調度是以

臣

現在達州之白塔

壩山梁暫爲劄駐策應各路再連日打仗富成

一路陣亡守備王文章又百祥一路陣亡都司

陳騰龍其餘傷亡兵勇另行查明咨部

勒保又奏言臣先經奉到

諭旨籌辦解散賊黨之法卽經刊刻謄黃于川省地方到處張掛並知會陝楚各省一體通行曉諭半月以來川東川北所屬被脅良民陸續散逃者爲數不少仰見

帝德好生感孚神速茲蒙

聖主復於赦宥之餘詳求綏輯之道所以爲災黎計者至周極備查此次教匪不靖蔓延日久官兵所到不得不痛示誅夷但原其初起不特被脅之衆皆係良民卽習教之人亦何莫非食毛踐土之赤子無如一經爲匪自知罪重則惟有併力抗拒以爲苟延殘喘之計所以焚掠村邑荼毒生靈雖欲復爲良善而不可得其被脅之衆

又經賊匪輾轉恐嚇以爲旣入賊夥出投亦無
生理甚且翦其髮辮或面刺白蓮教字樣俾令
不敢逃散良民畏法未免悉受其愚年餘以來
督兵所到凡剿散之賊及自行投出者訊其被
脅未久俱經隨時釋放惟此種被脅之人有逼
令殺人放火而不敢逃散者亦有產業蕩然不
得不棲身賊藪以爲生活者一見

恩旨諒必翕然來歸而既歸之後何以居之食之必
須次第籌畫刻下賊匪未平往來無定凡鄉村
場市屢遭焚掠百姓等田畝既已汗萊房屋悉
爲灰燼如官爲授糧則日久恐其不繼如官爲
修屋則賊來又被焚燒迨至無食無居又爲賊
擄所辦仍屬無益是以臣前次出示曉諭並通

飭川東川北各州縣悉令百姓等依山附險營

結寨落將糧食器具移貯其中賊去則下寨而
耕賊來則守險而避數月以來雖各州縣民情
地勢不能盡一而遵照而行者亦十有六七此
不但爲百姓全身保家之計並可杜賊匪擄人
掠食之謀茲奉

諭旨復令籌及受撫來歸之民撫綏安插之處

臣

愚

以爲嗣後凡有解散當與除能殺賊立功者另

請

加恩外其餘或潛行散出或臨陣投降卽由各路隨
營糧員及地方官訊明所隸州縣酌量道路遠
近無論大小男婦每名日給口糧米五合盤費
銀三分令其各回本籍給予路票沿途毋許留
難到籍後由本地方官訊明住居村落歸入附
近民寨每戶給以搭蓋草棚之資五錢暫資棲

止到寨之後或有親族可依及家業田產足以
餬口者自不致流離失所卽或無依無業之民
設年力尚壯則當夫傭作亦可各自謀生如實
在老幼無歸者許地方官核實查明量給口食
統俟賊匪全定再照災賑之例通行核辦如此
安插則從賊之民咸知解散可得生全其心自
不致固結旣散之後有寨可居不致再爲賊擄

於綏輯似覺有裨惟地方官吏賢愚不一其中
如有虛應故事或聽其輾轉流亡甚且以需用
銀米藉口開銷者臣恐不能遍歷稽查現在遴
選向來著有清名之府廳州縣派令分投查察

倘此種民人到籍之後應得銀米並不如數給
發或既發銀米不爲酌定寨落飭令居住一經

查出或到臣處控告卽將該地方官核實嚴叅

以示懲儆此外有無善策臣又檄調同知劉清

及平日官聲素著各員再行悉心妥議以備採
擇並通行湖北陝西河南等省一體遵辦再欽

奉

諭旨飭查趙華吳桂二員查吳桂才情幹練有守有
爲前在巴縣任內聲名本好歷辦廓爾喀楚苗
軍務及此次在川帶領鄉勇打仗殺賊勇往出

力現在候補知府又新寧縣知縣趙華悃幅無
華操守廉潔推陞浙江通判因新寧時有賊匪
滋擾該員辦理堵禦撫卹各事宜均屬妥協民

情愛戴臣已將該員咨部暫留本任又遵查方

山坪先後帶兵之員係百祥朱射斗並非諸神

保緣羅其清與冉文儔於嘉慶元年十二月二

年正月間先後在方山坪王家寨兩處起事當

派同知劉清縣丞余永寧帶領鄉勇在大羅坪
堵禦羅其清一股嗣因劉清委署東鄉縣事旋
卽撤回祇留余永寧堵守總兵百祥帶兵先剿

冉文儔一股四月間冉文儔被剿情急由王家
寨竄出與羅其清合夥賊勢較重維時正值徐
添德王三槐在東鄉張家觀重石子一帶屯踞
官兵不敷分剿百祥帶兵祇有千餘閏六月間

添派朱射斗帶兵二千前往至八月間該匪等

卽與王三槐合夥奔竄

臣

悉心查訪百祥在王

家寨剿辦冉文儔尙屬奮勉嗣移兵赴方山坪

因地方遼濶兵力過單是以不能痛剿卽朱射

斗到後力量亦尙不敷接仗數次均未得手而

朱射斗前在張家觀重石子等處剿辦王三槐

等則殲獲頗多所以王三槐稱其最能打仗是

該犯等所供情節均不爲無因自臣到川以來

石壩山之捷乃百祥之功羅其清冉文儔兩股
辦竣時朱射斗頗著勞績卽額勒登保亦深許
其能應懇

皇上仍令該二員帶兵打仗以觀後效又查樊人傑
高均德李樹龍紹周等於去年夏間先後竄至
箕山與羅其清冉文儔勾合依附嗣又陸續竄

出維時惠齡等因羅其清賊勢最重必須併力
剿辦是以未能分兵兼顧至正月間辦完冉文

儔一股後

臣

因川東一帶匪衆四竄亟需重兵

分剿當卽劄會惠齡德楞泰察看情形如果通

巴太平境內並無賊匪卽來至川東會剿嗣據

覆稱樊人傑等竄入陝境相距太平通江道路

甚遠該處本有宜綿等帶兵防堵正可就近迎

剿是以由達州一路前來與臣會合惠齡與德

楞泰連次於觀音橋沙平關雲臺舖元壩驛雷

音舖舊縣壩等處帶兵打仗殺賊經臣隨時奏

明尚無逗遛情弊至訥音係管理火器健銳兩

營官兵於前年六七月間因追剿姚之富等股

賊匪先後來川行至臨江市緣該處地方緊要

卽經惠齡飭令訥音暫留堵禦嗣因白巖山林

亮功一股賊匪不時下山焚掠復經宜綿飭令

移駐開縣臣到川後緣開縣係四達之區時有

賊匪紛竄且察看該兵等疲病較多是以仍留

在開縣防堵茲蒙

垂問臣查訥音年力就衰於打仗難期得力其所帶

兩營之兵除現隨各前敵打仗者仍令留營毋

庸撤出外其派防開縣之兵臣擬另行抽撥緣

營官兵前往更換卽令訥音帶領回京以節糜
費並有叅革副都統六十七患病在夔州調養
日久未愈已成病廢亦當一併遣回用示體卹
奏入

上命軍機大臣傳諭勒保曰川省賊匪徐添德冷添
祿等分股奔竄而徐添德一股因屢經剿敗先逃
派令賊目於各處埋伏以圖牽綴官兵殊爲可惡

德楞泰在觀音堂地方將溝內衝出賊匪迎頭截
殺並因獲犯供稱有欲竄陝省之語卽密派守備
桂涵等帶領兵勇由小路繞出賊前於通陝要隘

相機攔截所辦甚好署達州知州黃銑以文員而
能禦賊亦屬可嘉至冷添祿一股經額勒登保帶
兵追殺復由岳池南充一帶奔竄而包正洪一股
經總兵楊遇春等合兵兜剿後又復竄往何處究

係何人帶兵追剿此時額勒登保之病想已全愈

深爲厪念現在徐添德冷添祿兩股賊匪忽分忽

合務當設法搜捕勒保駐劄達州策應各路務須

悉心調度將二逆逼歸一處以期聚而殲旃其張

映祥一股由廣元竄至寧羌阻塞棧道該處係文

報往來必經之地尤當及早疏通肅清驛路此時

賊匪已竄近文縣境內勒保飭令富成帶兵兜擊

務須奮力堵剿毋任蔓延甘境至川北各股竄匪
無兵剿辦現經派令朱射斗馳回保寧相機進剿
並就近爲富成策應所辦甚是朱射斗雖據勒保
奏稱帶兵打仗頗著勞績但究恐不能得力仍著
勒保留心察看妥爲調度其夔州一路分竄之賊
勒保派令七十五等繞前截剿未經闌入楚境所
辦亦好而張映祥一股已逸入陝境是各股竄匪

仍未能歸併一處勒保心當通盤籌畫不可顧此

失彼爲要所有各路打以陣亡之原任總兵富森

布守備王文章都司陳騰龍俱著咨部議卹又據

奏安撫難民一摺所辦俱爲周到各路軍營藉端

花費浮支濫用自應嚴行飭禁至此等撫卹難民

給資安插使民生旣獲安全賊黨又可解散爲一

勞永逸之計是用所當用朕原不靳此費此時撫

續安集最爲緊要勒保慎勿視爲具文徒形章奏
也至川楚陝各省流寓之民甚多占籍已久本各
有產業自應就近安插不必勒令各回本籍轉滋
紛擾朕以此事委汝必不遙制總之邪匪不可不
誅良民不可不撫而受撫者必使之畏威懷德出
於至誠方爲盡善

上諭內閣曰訥音現副都統兼乾清門行走於帶

兵打仗事宜尙屬諳練自當竭力報効如果年力
衰憊不能身親行陣亦早宜呈報總統大臣據實
奏聞何致久駐開縣徒糜軍餉實屬錯謬訥音著
革去副都統加恩賞給頭等侍衛前往喀喇沙爾
辦事其所帶兵丁亦已日久積疲卽著六十七帶

領回京

同日

上諭內閣曰景安前在河南巡撫任內駐劄南陽一帶堵禦湖北教匪毫無布置一任闖入豫境又不

敢迎頭截剿惟知遠避賊鋒尾隨探信粉飾奏報

以圖塞責縱令賊匪由南陽一帶直出武關竄赴

陝境其畏葸退縮於帶兵諸臣中爲尤甚以致有

迎送之號朕所深知近聞其辦理撫卹一事並不

查明戶口按名散給每縣止發銀一千餘兩祇儘

此數不准多開所辦尤爲乖謬地方大吏安集招徠自應查明各處戶口實數分別辦理若一概定

以成數則流離較多之處必至口食無資而未被賊擾之區亦得濫支官項毋怪乎小民失所官吏

冒銷也景安係和珅族孫平日趨奉阿附每於奏報之便附寄信件稟承指使以爲有所倚恃旣不實力辦賊又不能加意撫民此時湖北地方甚關

緊要未便再任貽悞景安著來京候旨湖廣總督
員缺著倭什布補授其河南巡撫員缺著吳熊光
補授前因安撫難民解散賊黨一事曾降旨令勒
保悉心妥議茲據奏到籌辦情形立法頗爲詳盡
並據聲明通行湖北陝西河南等省一體遵辦陝
甘總督松筠辦理尙能認真復有藩司馬慧裕幫
同經畫自臻妥善至湖北歸州巴東鄖陽一帶係

屢被賊擾之區現復嚴防川省各股賊匪河南雖
經寧謐而在陝奔竄之賊時有窺伺豫境之意倭
什布吳熊光俱著速赴新任查照勒保此次所定
章程督率屬員實心經理安集難民安商良法以
副委任

臣等謹案我

皇上籌諮軍務至精且詳而於綏輯難民一事尤刻

以一夫不獲爲念景安前在河南巡撫任內
禦賊無能早蒙

聖明鑒察

訓飭疊加此次辦理撫卹定數發銀並不查明戶口

按名散給殊非所以仰體

愛民如子之意是以

特旨敕令來京慎簡封圻又以楚豫兩省督辦安撫

章程必須實心經理

諄諄申諭所以整官方而周民隱皆

睿謨之妙用足以潛消奸宄於無形也

同日勒保又奏言臣欽奉

諭旨以王杰奏請將被賊地方分別蠲免錢糧及更

調召募兵丁二事交臣察看情形具奏查邪匪不

法蔓延於川楚秦豫四省蹂躪既多流離益甚

會經通飭地方官隨時撫卹上年川省情形經

臣

查明具奏仰荷

天恩將被賊地方分別蠲緩靡不感戴

皇仁茲蒙

聖主厪念民艱諄諄垂問

臣

以川楚秦豫四省今歲

應徵錢糧凡被賊滋擾之州縣應請一律普免

近賊州縣或團集鄉勇堵禦或轉運各項軍需

不無稍資民力似應暫緩輸將俟軍務告竣再
行分年帶徵俾良民早沾

實惠此安良卽所以散賊誠爲目前要務至各處徵
調之兵于役三年爲時稍久且有從苗疆撤出
又復從征者其中傷亡病故以及傷病遣回並
寄留各州縣調養之兵核之原調數目日益減

少臣愚以陝甘湖北河南等省現有堵剿事宜

凡有缺額發遣之兵卽由軍營咨明該省就近
補足留於各本省以資調遣其山東兩廣雲貴
等省應查明節次傷亡病故及傷病遣發各兵
逐一造冊咨送尙有養傷養病未經遣發者一
面由營檄行遣回一面知會各本省照數另行
補派前來以符原調之數川省卽由臣就近調
派均各照例給與行裝等項俾令迅速到營如

此則疲病者可息積勞補額者益資生力實足以固衆志而勵戎行於軍務大有裨益奏入得

旨軍機大臣議奏

此其所以為國也

此其所以為國也

此其所以為國也

此其所以為國也

此其所以為國也

此其所以為國也

此其所以為國也

此其所以為國也

此其所以為國也

欽定剿平三省邪匪方略正編卷九十三
己未年

三月十三日

辛未

上命軍機大臣傳諭勒保及湖廣陝甘河南各督撫
曰此次剿捕教匪調集綠營官弁屯練兵丁以及
鄉勇人等爲數不少其節次打仗陣亡者多有未
經奏明一體仰邀卹賞又教匪蹂躪之處有紳士
良民禦賊身殞並至闔門被害者亦多未邀旌卹

此等捐軀殉節之人或効命行間或遇賊不屈殊
堪矜閔若不加之追獎何以伸勵士氣彰表良善
著勅保及湖廣陝甘河南各督撫將從前各路軍
營効命死事之文武官員兵勇及被賊戕害之士
民一體查明據實具奏候朕降旨加恩以慰忠魂
而昭激勸

上諭內閣曰川省剿捕教匪從前有在軍營病故之

總兵德光富爾賽穆維二員雖非打仗陣亡但帶
兵日久因積勞病故亦屬可憫著交部照例給予

卹典

臣等謹案致命遂志實臣子分所當然顧春
秋之義死王事則例有加等誠以崇獎忠貞
勵臣節而作士氣也自邪匪滋事以來凡官
弁兵勇歿於行陣者一經報聞靡不渥荷

恩施優予議卹茲復蒙

皇上軫念蓋良以此等打仗陣亡者尙一體邀

恩而紳士齊民之禦賊殞命或闔門遇害者並

諭大吏查明奏請旌卹其軍營病故之總兵亦蒙

賞給卹典仰見

天心仁愛普被無遺自身在行間者感激奮興羣思

効命也

上諭內閣曰昨已降旨令景安來京候旨景安在督撫任內畏葸無能本應治罪但念伊平日操守尚屬謹飭現在川省軍需轉輸事宜甚關緊要著景安於倭什布到楚接印後以伯爵前赴川省更換明興接辦軍需事務此係朕格外施恩予以自新之路景安務須倍加感奮痛改積習會同福寧認

真妥協經理以期源源接濟毋悞要需明興著卽
回赴軍營聽候經畧勒保派令帶兵打仗

上又命軍機大臣傳諭勒保曰朕聞明興在軍營於
糧餉出納之事不能清楚而福寧操守亦屬平常
現已降旨將明興撤回令勒保酌派隨同帶兵其
所辦糧餉事務因景安平日尙有操守寸長可取
是以令其前赴川省接辦以觀後效景安如不悞

任卽行奏聞更換不可因朕特派又存迴護現在
剿捕賊匪正當喫緊之時一切支發轉運等事於
搏節之中尤須經理得宜供輸無悞勒保仍當隨
時查察倘有仍前扣剋侵冒及辦理不善貽悞要
需之處卽行據實叅奏不得稍有徇隱

十五日

癸酉

福寧奏言

臣

自二年正月間由湖北

帶兵入川沿途訪察卽聞川省軍興以來各路

供支未能遵照定例覈實辦理其官兵夫騾價

值鄉勇鹽糧等項宜綿總統軍務因追剿竄匪

逐日移營一時權宜核發所費尤為不貲俱未

奏明有案是以臣二月間接辦糧餉即將從前

動支各款劃清界限毋使混淆其浮支各項均

經痛加釐剔次第革除惟兵丁日夕追奔逐北

不得不稍為變通隨將夫騾各款會同勒保英

善分晰具奏嗣經部駁行據藩司林儁按款覆核雖係例所本無實爲勢所必需現仍量爲支給擬再會同勒保臚款奏懇

天恩勅部核覆俾得列入正銷以歸實用又鄉勇一項前據司道冊報各營暨各州縣所募隨營打仗以及防守城池卡隘保護糧臺爲數較多當

經臣據實奏明並嚴禁嗣後毋得私行招募其

現有鄉勇亦須酌量賊氛之遠近營卡之緊要
隨時造冊呈送勒保核明知會始准支給銀糧
從未敢任聽冒濫至各路運道時通時塞所有
軍火糧餉等項往往運至中途被阻卽須改道
轉輸甚或繞至他途復行遇賊則又須折回轉
運以致夫騾載道動輒經旬口糧工價數逾倍
蓰且間有猝不及防被賊搶掠傷斃夫役之事

此輓運之所以多費也又冬軍營需用帳房烏鎗以及弓刀器械等項一遇破爛損折無論例

限應否更換均卽照數辦解補給其官兵乘騎馬匹登山陟險縱橫馳驟倒斃時聞不得不隨

時撥解所有各營缺額馬匹更須加價補買以備續調此軍裝馬匹之不能悉照成例也至

臣

上年兩次請過銀七百萬兩均分撥成都保寧

達州三局收貯每遇各營及各臺站請領
臣確

加綜覈卽批飭各局就近按數兌發總理糧員

支用並嚴飭各該員認真搏節悉心經理如有

違例濫費一經查出定行據實叅奏決不敢稍

事瞻徇再查徐添德一股賊匪現由太平折竄

開縣雲陽地方經德楞泰帶領官兵緊追躡剿

又冷添祿包正洪等逆分竄營山渠縣廣安一

帶額勒登保督師剿辦勒保現在達州白塔壩
山梁居中駐劄調度所有各營需用軍火糧餉
等項俱經臣分飭四路趕運源源接濟奏入

命軍機大臣傳諭勒保福寧曰此次軍需經費數
逾七千餘萬皆由各路領兵大員任意濫用所致
朕聞之至熟今福寧摺內稱宜綿總統軍務時因
追剿竄匪逐日移營一時權宜核發所費不貲卽

此一語已包括無數浮支濫用矣至所稱各路運道時通時塞軍火糧餉等項間有被阻被搶之事尙屬實情嗣後總宜似此據實具奏不可稍有粉飾又據奏徐添德一股現由太平折竄開縣雲陽地方經德楞泰帶兵追剿等語前據勒保奏訥音係派在開縣帶兵防堵但從未聞伊曾經打仗殺賊不過在無賊處所退避閒住此次徐添德折竄

該處滋擾時訥音曾否實力堵剿與賊打仗抑仍
前退縮並未出力或又避往別處著勒保查明據
實具奏訥音昨已降旨派赴新疆換班其開縣一
帶勒保另派何人如何設法防堵之處亦著一併
具奏

十六日

甲戌

軍機大臣永瑍等奏言據勒保奏被

賊地方分別蠲免錢糧及更調召募兵丁一摺奉

旨令臣等議奏查川楚秦豫等省所屬州縣賊匪滋

擾之處或居民逃避耕種失時或賊匪去後甫

就安輯本年二月內欽奉

諭旨飭令各該督撫查明應徵錢糧現在有無帶徵

緩徵之項及本年春徵實數據實速奏至近賊

州縣或團集鄉勇或轉運軍需均資民力自應

一體分別核辦在現已早屆開徵之期未便延

緩應令勒保迅速查明卽一面出示停徵一面
據實覆奏俾閭閻得早沐

皇仁至傷病兵丁與其寄留各處調養徒資糜費自
應早令各回本省營伍以示體卹惟現當剿賊
喫緊之時缺額兵數較多或恐不敷剿捕之用
勒保請於四川山東兩廣雲貴等省照數另行
補派赴營自爲剿賊得力起見惟查兩廣地方

距川較遠若俟更調到營就延時日既屬緩不
濟急且查前年各省召募新兵廣西一省未經
添募廣東一省亦僅添募兵丁一千九百餘名
似皆未便再行征調

臣

等思雲貴兩省距川較

近而雲南前年添募兵七千一百餘名貴州添
募兵一萬二百餘名四川本省則節次添募兵
丁二萬三千四百餘名應請令勒保通查隨征

兵丁傷亡遣回缺額實數除陝甘湖北河南等
省各有堵剿事宜補足之兵卽留本省應用其
山東雲貴等省按原調之數補派前赴軍營外
至兩廣應行補派之兵停其征調請令勒保查
照原數先儘四川就近添調如尙有不敷再於
附近之雲貴二省酌量添調奏入

上命軍機大臣傳諭勒保曰此時剿賊喫緊兩廣距

川較遠旣屬緩不濟急况現在軍營力加整頓壁壘一新無難儘現有兵力迅勉成功軍機大臣請於四川雲貴等省就近酌調以符更換之數所議甚是惟朕聞向來緣管兵丁有滇黔勁旅之語而黔兵尤爲趨健得方况勒保前在貴州剿辦狎苗於該處將弁較爲熟悉更可期於應手而道途又復捷近此次更調之兵莫若先儘貴州就近調派

如尙有不敷再於雲南兵丁內酌量派調但仍按兩廣兵丁額缺之數亦不得任意多調也

十七日乙亥明亮與肇奏言張漢潮一股賊匪經

臣等於涼沁河一帶痛剿之後該匪畏懼逃遁

連夜翻山由大嶺坡等處晝夜竄走臣緊躡其

蹤二十日趕至馬伏城適值陰雨泥濘探得賊

匪翻雪山暫紮山口臣星夜馳至該處官兵甫

欲下山賊匪蜂擁迎拒馬兵奮勇直撲殺斃五
六十人賊卽却走步兵從兩旁將欲抄壓賊衆
由樹林中迎出官兵鎗箭齊發賊匪始行亂竄

奔逃臣等督率追殺二十餘里沿途擒獲賊目

張敬等三十七名供稱從賊日久皆係打仗矛

手均卽正法張漢潮在山口一聞鎗聲卽催令

男婦奔走臣等跟蹤愈緊二十一日追至馬家

坪天已將晚該處山勢險要賊匪乘官兵紮營

未定卽從山上衝下臣明亮督率愛星阿等帶

領馬隊由左手山腰搶上臣興肇同鎮臣長春

副將多爾濟扎普叅將楊奎猷等帶領步隊從

右手抄擊賊衆分投抵敵放鎗拋石臣等督率

馬步官兵分四路仰攻殲賊甚多賊始翻山逃

遁時已酉刻未便窮追獲賊張維志等十七名

僉供張漢潮因官兵追殺甚緊與冉學勝劉永
盛高玉春等商量埋伏誘官兵入山從上下壓

如能擊退官兵可乘間竄往龍駒寨一帶大村

莊地方擄掠人馬奔赴河南再作計議等語當

將該犯等臠割臣等察其所向似走豫省無疑

卽由山陽商州大迫漏夜繞出賊前杜其入豫
之路二十八日馳達泉村地方正值賊衆在彼

擄掠遙見官兵卽上山四竄官兵追殺四十餘
里殲斃百餘人生擒賊目徐么兒等十九名訊
據供稱張漢潮說官兵馬箭不能抵敵祇可覓
險山躲避俟官兵馬匹缺少方可打仗等語當
將該犯等一併正法三十日趕至康家河前隊
兵勇忽遇山坳內突出矛手五六百人憑高下
壓長春同遊擊游棟雲應元寬等帶領廣東直

隸官兵直前轟擊臣明亮察看山勢右手有山

梁一道飛卽督率愛星阿侍衛莫新協領秦巴

圖總管都當阿等率領馬隊搶上該匪施放鎗

礮搖旗抵禦外委穆志雄首先衝入身受矛傷

陣亡長春馬受石傷滾下山坡復換馬帶兵衝

上游棟雲受有矛傷射死執旗賊日一人仍卽

帶兵搶上藍翎守備陳應彪藍翎外委樊豐年

均經受傷仍搶上山頂賊匪挺矛滾石臣等督

率馬隊並荊州湖北滿漢官兵一擁直上斃賊

百餘人賊始拋棄騾馬爬山遁走生擒張正昌

苟延春等五十四名訊據供稱張逆因連次被

剿傷人甚多若再往龍駒寨官兵追趕甚緊不

如折回到老林山內使官兵疲乏再看光景等

語該犯等均係襄陽人從張漢潮一同起事概

子駢誅臣等趁賊殘敗之時緊躡追剿初三日

趕至石洞子地方猝遇一股賊匪人馬亦多臣

等一面差探張漢潮賊衆去向一面統領官兵

儘力擊殺殲斃賊匪二百餘名餘賊翻山由乾

溝逃竄被脅民人投出者百餘人生擒賊目黃

三皮等八十九名訊據供稱此股賊匪卽係去

年十一月內張漢潮在大河壩被官兵打散陳

三掌櫃領得三百餘人到處擄掠藏躲現共有
一千餘人要尋張漢潮合夥等語查此內有抗

拒打仗者立行梟示被擄者訊明釋放其餘四

十二名解交鎮安縣陳瑞研審分別辦理適鎮

臣關騰帶領一千五百名官兵到來因途遇此

股敗賊就近剿辦_臣等思張逆股匪雖已窮蹙

若兵分力單不能卽時撲滅且近日聞川匪兩

三股接踵入陝人數衆多若無官兵專剿必致

鴟張卽如此股賊匪正月間被臣剿散原止二

三百人會奏明交地方官搜捕今經兩月沿途

擄脅已有千餘人是以臣等將關騰所帶兵內

抽撥五百名派令遊擊夏福都司李殿元帶領

跟蹤追剿若日內歸併張漢潮股內更屬易辦

設該匪希圖牽綴官兵分投竄逸臣等已飛飭

各處防堵官兵探明賊蹤實力協剿自無難立
干時撲滅奏入

上命軍機大臣傳諭明亮曰此次明亮察探賊情知
張逆欲走豫省卽由山陽商州大道繞出賊前杜
其入豫之路並跟蹤緊躡追殺四十餘里將該匪
截回此係明亮等之功其在康家河地方殺賊陣
亡之外委穆志雄著咨部議卹總兵長春馬受石

傷復換馬衝上山梁甚屬可嘉該鎮是否未經受
傷其遊擊游棟雲等於受傷後仍卽帶兵搶上山
頂誠爲勞苦出力如果再有奮勉之處卽以應陞
之缺補用至陳三掌櫃一股賊匪據明亮等奏稱
曾於正月間剿散原止二三百人今經兩月又有
千餘人此皆由該處地方官不肯認真出力致任
賊匪往來竄奔裹脅日多明亮等應查明嚴叅誅

一倣百則前堵後剿庶可尅日成功

十八日

丙子

勒保奏言查包正洪一股賊匪自南

山坪剿散之後連夜狂奔由渠縣一帶翻山竄

逸維時惠齡奉到

諭旨飭令回京額勒登保卽督兵趕緊進剿至巖峯

灘地方接據川北鎮總兵朱射斗稟報蕭占國

張長更兩股賊匪復由閬中折回人數甚衆已

入營山地界額勒登保恐其在後牽綴不如迎
頭先剿蕭占國等更爲得力當率將領從靜邊

寺一路進發初三日午刻甫至駱市橋見左手

山梁屯有賊匪數百人額勒登保卽催前隊馬

步官兵奮勇競上斃賊一百餘名生擒李四兒

等二十三名訊據供稱蕭占國張長更本與包

正洪先後行走因包正洪竄赴渠縣官兵自必

跟蹤而去蕭占國約同張長更均在觀音橋西

橋寺一帶屯踞俟官兵過後趕來抄襲後路先

派令賊目王盛帶領夥黨在此探聽等語當將

該犯等正法一面知會木射斗由大栢埡捷徑

追來一面親率鎮將於初四日五更由黃土墻

相機迎擊甫行十數里正遇賊匪排隊而來一

見官兵卽佔據山包五處放鎗迎拒我兵分爲

三路奮勇直上搶得山包兩處斃賊四百餘名

該匪等復退屯後面山梁副將孫大猷首先衝

上中鎗陣亡遊擊喜明藍翎領催彥丕勒委官

訥音登額等率衆一擁而上賊匪四散奔逃我

兵由上下壓斃賊七百餘名追至石峩山賊又

踞險抵禦適朱射斗由雞喉寨旁路抄出兩面

夾擊又殺賊一千三四百名時已酉刻將賊匪

大隊逼上譚家山額勒登保率領朱射斗湯遇

春等督兵攻剿該匪等捨命衝撲額勒登保卽

遣人跣探譚家山後面均係峭壁懸崖無路可

竄因思賊匪旣據絕地我兵如攻剿稍緩轉恐

賊匪奪路下壓隨卽督率穆克登布叅將劉瑞

委防禦全保前鋒安楚拉委官倭楞泰等乘夜

奮力搶上山梁短兵相接賊匪力不能支立斃

八百餘名餘衆更形慌亂自相踐踏及滾崖跌

斃者一千四五百名生擒賊目王宗光等八百

六十七名並有逃赴營山縣投首者一百三十

五名搶獲騾馬二百餘頭賊礮鎗矛旗幟等二

千八百六十餘件訊之活賊供稱首逆蕭占國

張長更兩股共有七八千人連日斬獲殆盡該

首逆亦已殺斃當令賊目王宗光王之明田禮

連等指認屍身割取首級又令現獲各匪逐一
辨認僉稱屬實當將從賊日久之伍維同等四
百二十三名立時梟首其餘被脅良民訊明後

卽酌給銀米交營山縣遞籍安插此次通共擒
斃賊匪實有六千餘名其中被脅之人亦自不
少但旣經從逆抗拒且臨時無從分別不得不
痛事誅夷並非無辜濫及其冷添祿一設賊匪

先由岳池竄入南充縣境經劉君輔帶兵追剿

嗣包正洪一股從渠縣奔竄亦距岳池不遠恐

劉君輔兵力較單臣即知會額勒登保帶領大

兵趕緊馳往岳池一帶併力剿捕並派朱射斗

帶領原兵在後搜捕餘匪至此次連日打仗陣

亡守備陳凡丁洪二員又穆克登布受傷二處

俱不甚重其餘傷亡弁兵容俟查明咨部其實

在奮勇出衆之將領弁兵俟查明另行奏請邀
恩鼓勵再查徐添德一股賊匪自從大梁剿殺之後

由路陽壩一路竄遁德楞泰於前月二十九日
趕至白橋山頂突遇賊匪衝撲德楞泰分兵兩
路迎擊追至蘆花嶺地方斃賊二百餘名生擒
劉顯奇等二十一名正在剿洗之際其大夥匪
衆復從兩旁山溝接應前來抗拒竟日卽分股

向雲安場大水田等處連夜奔竄德楞泰當與
阿哈保等率領馬隊星馳追躡又於團壩子一

帶趕上賊匪殺斃八九十名生擒王占文等四

十三名因恐該匪等竄至夔州與卜三聘等股

勾合闖入楚疆德楞泰卽由雲陽馳赴夔州迎

頭截剿遏其東竄之路其龔建一股前由巫山

折入大寧該處兵勇單薄經七十五抽撥兵勇

六百名協力堵剿其界嶺一路仍飭總兵德英
額隨時知會高杞扼要堵截奏入

上諭內閣曰勒保奏官兵剿捕蕭占國張長更兩股
賊衆全數剿獲淨盡此皆仰賴

上蒼默佑

皇考威靈覽奏曷勝欣慰此二股賊匪從前在白巖山
與林亮功合夥林亮功鎗斃後卽各自爲首到處

焚掠滋擾此次該逆匪等由閬中折回經額勒登保率領將弁兵丁連次截剿將賊衆逼上譚家山額勒登保等復督率弁兵乘夜搶上山梁痛加剿戮賊匪斬獲殆盡賊首蕭占國張長更均經殲斃所奏打仗得勝情形實爲認真剿辦非從前之虛報首功粉飾具奏者可比額勒登保病體初愈卽奮勇帶兵轉戰直前實屬可嘉之至前此惠齡德

楞泰止擒獲冉文儔一犯而川北地方尚有竄出
餘孽未能剿淨曾經加恩各賞給頭等輕車都尉
世職今額勒登保剿除兩股賊匪殲盡無遺厥功

尤偉額勒登保着加恩賞給一等男爵世職至勒
保係經畧大臣此次雖未親在行間亦由其調度
得宜而於投出被脅良民酌給銀米遞籍安插所
辦尤爲妥協勒保着加恩賞給喜字玉搬指嵌松

石金盒大小荷包繡火鏢包額勒登保亦着加賞
喜字玉搬指嵌松石金盒小佩包繡火鏢包其打

仗受傷之總兵銜穆克登布着交部從優議敘隨
同帶兵出力之總兵朱射斗楊遇春叅將劉瑞遊

擊喜明防禦全保前鋒安楚拉藍翎領催彥丕勒
委官訥音登額倭楞泰俱着交部議敘陣亡之副

將孫大猷守備陳凡丁洪俱着交部議叙此時各

路領兵大小諸臣經力加整頓之後看來皆有起
色勒保身膺重任惟當倍加感奮卽如伊弟永保
從前在鍾祥縱賊罪無可辭經朕破格錄用復令
署理陝西巡撫所以施恩於伊兄弟者原不過爲
國家公事勒保等若能迅勉成功則軍營從前諸
弊不但一槩從寬仍可加之懋賞倘伊等無福承
受則國憲具在致朕不得不爲己甚亦由伊等自

取朕亦無所容心也

十九日

丁丑

廣厚奏言川匪張映祥竄入階州分

擾兩河口等處

臣

得信卽行馳往行次太石山

接據富成札知在毛埡山梁連次剿殺殲賊甚

多賊匪因不能竄出白馬關卽由草川分股先

後向西竄赴旺則關一帶並探聞已有一股賊

匪在中寨子地方焚掠

臣

催兵前進距中寨子

數里見有探路騎馬步行之賊共九人當卽殲
斃四人旋見賊黨蜂擁而來適吉蘭泰正帶兵
趕到臣卽帶領官兵從右進擊吉蘭泰從左進

擊斃賊十餘名賊又抵死向前臣等督率將備

奮力截殺又射死執旗賊目一人殲賊數十人
賊匪漸形慌亂我兵乘勢趕殺又斃賊約百餘
人生擒侯自升等四人兵勇亦傷亡二十六人

賊即翻山亂竄由安化壩向西奔逸其大股竄

至旺則關之賊據富成知會斬獲多名亦由安

化壩西竄與前股俱奔赴柳壩等處富成即由

米倉山追剿臣查階州地方山徑分歧賊匪狡

猾多端時分時合牽綴官兵臣與吉蘭泰若隨

同富成一路躡追轉恐不甚得力當與吉蘭泰

酌商即由黑崖山小路截擊以期與富成兩面

夾攻趕緊殲除奏入

上命軍機大臣傳諭明亮恒瑞興肇廣厚曰張映祥

股匪因被官兵連次剿殺分投奔竄廣厚以階州

山徑分歧現與吉蘭泰由黑崖山小路截擊以期

與富成兩面夾攻所辦俱是但廣厚吉蘭泰究因

兵力不多是以未能痛加剿殺此時明亮等由商

州繞出賊前截剿張漢潮一股正在跟蹤緊躡務

須加倍努力迅速肅清一俟此股竄匪剿除明亮

不必卽赴川省勒保處現有額勒登保德楞泰等

在彼帶兵明亮應與恒瑞等將陝境各股竄匪先

行剿淨再帶勝兵前赴甘省秦階一帶幫同吉蘭

秦富成等將張映祥一股併力擊剿迅速辦竣總

須陝甘兩省全境廓清明亮興肇再赴勒保軍營

剿辦川省各股賊匪明亮恒瑞興肇如能將陝甘

境內之賊全數掃除卽屬伊三人之功倘仍令蔓
延則責有攸歸亦惟伊三人是問至廣厚摺內所
稱富成在毛埡山梁殲賊甚多又在旺則關斬獲
多名究竟殲賊若干是否確實何以未據明白聲
敘現在張映祥向西奔逸其迤西一帶係何地方
曾派何人在彼堵截並着廣厚詳悉具奏

二十一日

巳卯

上命軍機大臣傳諭勒保曰前因剿捕教匪全在剿撫並用疊經降旨訓示以正賊不可不誅良民不可不撫令勒保悉心籌辦今已閱多日雖節次打汝摺內亦間有臨陣投出者究未聞風踴躍爭先來歸賊中黨與未全解散自由勒保辦理此事不過謄黃張挂出示招徠附近地方百姓雖已聞知而被賊裹脅良民仍隨賊匪驅使往來奔命於如

何撫綏安輯之方未能深知周悉若退避則懼爲
賊戕投出又慮干法網是以徘徊觀望仍前結聚
雖有招撫之空談總未能收解散之實效其應作
何廣爲宣諭使賊中難民咸各聞知之處勒保務
須設法籌辦開示公信俾其翕然樂從不可以出
示具文了事倘有被脅民人果能自相糾結暗約
多人將賊首如冷添祿徐添德李全高均德張映

祥張漢潮等縛獻軍門者勒保卽當優加獎勵指
名具奏不但免其從賊之罪並當酌賞七八品頂
戴以示鼓勵而勸來者切不可攘爲己功亦不可
迺護前過致阻其去逆歸順之意此事章程前曾
令勒保與馬慧裕及同知劉清悉心妥議伊等有
何見解及現在如何辦理情形何未據奏及再此
次教匪起事根由始於達州朕聞彼時有知州戴

如煌居官貪劣以致激成事端但戴如煌是否因
老病無能任聽官親幕友長隨等從中擾害地方
抑係伊任意貪婪自有實在劣蹟曾聞戴如煌與
川東道李憲宜係屬鄉親爲之詳請告病嗣經

皇考察見規避情由未會允准將戴如煌革職仍留軍
營効力此時戴如煌自必尙在川省伊係業經革
職之人着勒保卽將以上指出情節向其切實訊

問據實具奏此係前任英善宜綿任內之事勒保
可無庸稍存袒護又朕聞達州尙有吏目一員尤

爲貪婪不職但未記憶姓名亦着勒保將該吏目
係屬何人有何劣蹟是否仍在該處有無被賊戕

害之處一併嚴查審辦再知縣中趙華方積二員

素稱能得民心趙華前已據勒保奏明仍留新寧
署理縣篆方積陞授西陽州知州該二員如果始

終奮勉實心任事仍當據實保奏量加鼓勵再前
此惠齡擒獲冉文儔羅其清此次勒保擒獲蕭占
國張長更詳閱摺內帶兵出力之人多係營員而
由京派出之健銳火器官員兵丁以打仗出力刻
名保奏者寥寥無幾豈勒保等以伊等由京派往
之人設遇傷亡必須指名具奏非如營員鄉勇之
止須咨部辦理者可比竟不令其身臨前敵若果

存此見何以勵將士而肅戎行但又不可因有此
旨卽將伊等無論出力與否竟成輪班保奏以致
冒濫功蹟倘伊等疲玩不前亦不應姑容閱住也
又前據勒保奏訥音所帶健銳火器兩營兵丁疲
病較多令訥音六十七帶領回京旋因訥音派往
新疆換班卽令六十七帶回此兩營兵丁應否仍
須由京派往頂補之處未據奏及並著勒保酌量

情形一併覆奏

臣

等謹案惠迪吉者共由之理欲竝生者併
包之量蠢彼蚩氓爲賊所脅陷於逆黨本

王法所不宥乃蒙

皇上寬仁彰信疊

諭剿撫兼施准予贖罪自新今以聞風解散者少惟
慮承流宣化之臣或視爲具文

申命籌辦撫綏俾洗心革面者咸知翕然來歸雖舜
干之格七旬湯網之開三面不是過也至於
吏治醇疵實關民生休戚若戴如煌等之居
官貪劣及趙華方積之素得民心一一均邀

睿鑒

勅令查奏彰善癉惡正以樹厥風聲而京營隨征弁

兵並

諭核實保奏賞不濫而勞必均

綸音所沛纖悉畢周足使聞者感畏頑梗潛消也